

北洋官報

目錄

宮門抄
交旨

奏請東督錫奏遵查東三省情形摺△又奏請升民政部為從二品等片△又奏吉江兩省會奏事件辦法片
公牘○督憲札三件△董事會移一件△雄縣稟一件
文告三則△電報六則 新聞十二則
彙編○南洋勸業會租賃規則△德華普通中學堂章程

本局第一百七七期法政學報已出

宮門抄

六月二十六日 民政部 都察院 正黃旗值日 呂海寰謝降二級留任 恩 錫麟謝授江西遺缺知

府 恩 喬樹枏續假十五日 召見軍機 錫麟 濤貝勒等都察院徐世昌各遞封奏一件 榮光

遞封奏二件

交旨

六月二十六日 軍機大臣欽奉

諭旨督辦津浦鐵路大臣徐世昌等奏接收津浦鐵路大臣關防日期並接辦大概情形一摺又奏設立總公所一

片均知道了欽此

諭旨都察院代奏分發河南知縣胡發珠振興實業呈一件著該部知道欽此

諭旨順天府奏順屬辦理賑撫出力員紳開單呈覽各摺片均著吏部議奏單併發欽此

奏議錄要

東三省總督錫良奏遵

旨考察東三省情形裁併差缺摺節經費摺

奏爲遵

旨考察東三省情形裁併差缺摺節經費恭摺仰祈

聖鑒事竊奴才承准軍機大臣字寄宣統元

年三月初四日奉

上諭有人奏東三省冗員太多用款太鉅亟宜依照內省改定官制一摺著錫良到任後體

察情形妥籌辦理據實具奏原摺著抄給閱看欽此跪誦之下欽佩莫名奴才伏查東省自改設新行省以來庶政

繁興規模式廓設官較內省爲衆用費亦較內省爲多其時總司核定官制王大臣改定官制通則尙未頒行東省

原議官制本係試辦故先後奏設各缺於三省已非一律與原奏亦多異同今既屢致人言自不能不酌議變通以

期妥洽茲就原奏各節悉心考核有實宜裁併者有毋庸更改者有應從緩議者有礙難照辦者謹爲我

縷晰陳之如原奏內省督撫同城者均巡撫裁缺奉天似宜依照歸併以專責成一節查東三省總督建駐署於奉

天吉江兩省各建行署原擬隨時周歷商同三省巡撫辦理外交內治一切重要事件旋復議總督移駐長春以便

控馭三省駐紮奉天原非久制今則總督每年巡歷吉江爲時甚暫移駐之議亦難遽行遵照外省官制通則總督

所駐省分不另置巡撫卽以總督兼管巡撫事宜將奉天巡撫一缺裁去以專責成惟該撫臣程德全現甫奉

旨補授應否裁撤之處恭候

聖裁又原奏左右叅贊一司用人一司行政度支司專司財政今以用人行政

理財歸併於布政司旣節費用又免分歧則左右叅贊及度支司均當裁撤一節查奉天左右兩叅贊暨所領承宣

諮議兩廳奴才到任後業經奏明裁撤度支司有總筭財政之責東三省並未設有布政司自可毋庸議裁又原奏

民政司之事巡警道足以辦理何必十羊九牧自取糾纏似民政亦毋庸另設一節查巡警僅民政之一端民政可

以包括巡警巡警不能包括民政奉省巡警道缺業經前督臣徐世昌奏裁併歸民政司辦理現設民政司一缺自

未便再議裁撤又原奏現擬融化滿漢旗務司毋庸另設卽有應辦之事奉天副都統亦可代辦一節查奉天設立

旗務司專司從前將軍衙門及

三陵內務府各項旗務而尤以籌辦八旗生計爲專責惟現值化除滿漢畛

域之際且憲政成立後八旗舊蹟皆應通變自應將奉省旗務司一缺卽行裁撤做照吉省設立旗務處而以該司原辦之事屬之又原奏蒙務司之事由督署設一分科卽足辦理何必另設一司徒耗鉅款一節查奉省並無蒙務司惟省城現有蒙務局係屬爲規畫全盟興革事宜而設因辦事尙無的款業經奴才奏請裁去該局督辦一差以節經費又原奏奉省勸業道之所布置祇驚虛名不求實際乃每歲用款多至六十餘萬兩現又新設農官紛擾更甚今以其事或歸之商會或歸之農會公款之所省甚鉅地方之獲益甚多則勸業道及農官似宜緩設一節查奉省勸業道衙門暨所屬各局場所每年用款六十餘萬糜費頗多現已大加核減年可節省銀三十萬上下該道管理事件較繁未便遽議裁撤至農官現未設立且乏農業專門之員自應暫從緩議又原奏提法司爲民刑之總匯卽屬高等審判卽可與地方審判直接則廳丞及高等審判似宜毋庸另設地方審判附入府署初級審判祇設一處附入縣署卽以府縣官充檢察之任一節查提法司職掌係管理司法上之行政事務監督各審判廳並調查檢察事務奉天事較繁隨未便兼任審判現在行政司法正謀分立凡已設審判廳處所亦未便以府縣官兼充檢察又原奏各局處所名目甚繁擇其尤切要者存之其餘亦盡行歸併一節查奉天省城各局處所多係另派道員專辦奴才到任後業經迭次裁併如裁東三省支應處歸入度支司裁礦政調查局歸入勸業道裁省城牛馬稅局歸入稅捐總局又以省城工程總局 欽工局探訪局鄉鎮巡警總局併歸各司暨地方官兼辦現存局所均關切要應免再裁又原奏既有三司兩道不必再有僉事每司道署中擇候補人員才堪勝任者分科辦事一節查東三省官制各司道每科設僉事一員現未照章盡設惟首科僉事爲各科領袖職務重要類皆辦事得力之員揆之東省情形實在相需未便更議其餘各科毋庸增設僉事以省冗贅至各司道署科員業經大加減裁仍飭由該管司道隨時察看去留以足敷辦公爲度又原奏吉林省巡撫以下設藩學臬三司及交涉巡警道首府分理其事其餘官缺皆宜酌裁推之黑龍江巡撫以下設藩學臬三司及首廳而交涉巡警爲事無多道缺似宜緩設一節查吉林現設交涉司民政司提學司提法司度支司勸業道各一缺黑龍江現設民政司提學司提法司度支司各一缺所有巡警事宜均由民政司兼管江省則併無交涉司若照官制通則裁民政度支兩司改設布政司則巡警須另設

差缺用費未能節省官制徒涉紛更應請悉仍其舊惟江省政務稀簡所轄僅十餘州縣現設四司事少官多擬請將該省度支司暫行裁撤歸併民政司兼管以免冗費又原奏奉省每歲進款不下五百萬兩官之廉俸及委員之薪金約需一百萬兩練軍一鎮約需一百二十萬兩辦公及雜用約需一百萬兩尚有數餘可以協濟吉江兩省一節查奉省出入各款不敷甚鉅通省額支各衙署局處廉俸薪津經費役食祭祀等項按現時核減年需銀二百零五萬五千餘兩各學堂及留學生經費年需銀六十九萬三千餘兩督練處並所屬各學堂局處暨陸軍二標奉軍五路安海綏遠砲艦河防捕盜等營各薪餉以及淮軍津貼各營軍裝年需銀二百二十萬零四千餘兩八旗俸饌津貼年需實發銀四十九萬三千餘兩又加調陸軍第一混成協自本年六月起年需餉銀七十二萬兩以上各款已共需實銀六百一二十萬兩此外一切活支及特別用款約需銀二百餘萬無論如何節省萬難敷用焉有餘款可以協濟原奏似未悉奉省財政出入情形又原奏奉省之官銀號吉江兩省之官帖局均成本無多紙幣甚夥官場之取携甚便紙幣之應付殊難亟宜及時補救改設大清銀行一節查東省現銀缺乏半恃紙幣以資周轉本金太少出帖太多殊非所宜然目前若遽阻發行無現銀爲之接濟官款既窮於應付市面亦立見恐慌非僅恃設立大清分銀行所能補救奴才此次巡歷吉江已分飭澈底清釐限制出票應俟統籌辦法再行奏明辦理綜核原奏各節大率不外裁員減費藉紓物力而恤民艱奴才到任計減裁兩廳汰冗員併局所並先自革除浮費爲僚屬倡前經奏明每年可省銀四十萬兩嗣據各署局所陸續呈報裁減通盤核算每年實可省銀一百餘萬兩於財政不無裨益奴才忝總三邊責大任重庶政現待人而理凡事又非款不行苟有需用之人才應用之款項斷不敢存省事惜費之見自隘規爲而際此款絀時艱亦不敢虛糜公帑曲徇人情上負 朝廷澄叙官方綜核名實之至意

所有考察東三省情形裁併差缺撙節經費緣由是否有當除分咨查照外理合恭摺覆陳伏乞 皇上聖鑒訓示再擬裁奉天旗務司司使等缺如蒙 允准應俟奉到 硃批再將裁缺人員奏明請 旨辦理合併聲明謹 奏宣統元年六月二十二日奉 硃批奉天巡撫事宜另候諭旨餘照所請該部知道欽此

又奏請升民政司爲從二品仿照布政使並管府廳以下升調補署片 再查各省督撫以下例設布政使一員管理疆域財賦考察地方官吏東三省未設布政使惟奉天原設左叅贊有

稟承督撫考核用人之責現在叅贊業已裁撤全省府廳州縣以及佐貳雜職一切陞遷調補不可無專司考核之官擬請升民政使爲從二品仿各省布政使兼管府廳以下升調補署以裨吏治如蒙 俞允吉江兩省併請一律照辦除咨部查照外謹附片具陳伏乞 聖鑒訓示謹 奏宣統元年六月二十二日奉 硃批著照所請欽此

又奏吉江兩省會奏事件分別例行特別辦法片

再東三省設立督撫原奏章程總督爲長官巡撫爲次官三省公事皆由督撫聯銜具奏其例行之事與迫不及待者總督出省時仍列總督前銜由該省巡撫一面辦奏一面電商總督自應循照辦理茲查東省情形原殊內地諸凡用人行政率須三省通籌自未便割疆而治惟總督現駐奉天吉江兩省距離較遠若一切例行事件均須會商會稿既多轉折之煩而公事亦虞延誤擬請變通辦法嗣後凡例行之事由該兩省巡撫主稿會列總督後銜具奏一面咨送奏稿備案俾省周折其關係重要及特別事件或由各該省巡撫主稿咨送覈定或先電商定稿再行繕奏拜發以昭慎重如蒙 允准即由奴才咨明吉江兩省遵照辦理除分咨外謹附片具陳伏乞 聖鑒訓示謹 奏宣統元年六月二十二日奉 硃批著照所請欽此

公牘錄要

署督憲那札委劉守世珍赴南洋調查勸業會文

爲札委事照得南洋勸業會業已成立會場建築極爲完備各省均已派員前往調查直隸現正籌辦自應派員赴寓逐一考察以資則效查有會辦工藝局直隸候補知府劉守世珍堪以派委前往南洋將勸業會建築事宜切實調查報告以憑核辦除分行外合行札委札到該守即便遵照此札

署督憲那准商約大臣盛咨三姓金礦仍由舊商集股開辦咨明東督吉撫查照文

爲咨明事六月十一日准 商約大臣正任郵傳部右堂盛咨開據職商鄭官應徐潤陳作霖朱佩珍嚴義彬盛昌頤莊錄陳薰嚴廷楨顧潤章金忠讚費邦屏等聯名稟稱竊職商等於光緒二十一年糾集股本庫平銀十萬兩議訂章程十六條設立吉林三姓等處金礦公司稟蒙 前北洋大臣王奏准開辦分咨立案二十四年分曾經報効

吉林省軍餉銀二萬兩旋以礦務頗著成效於二十五年十一月十八日奉 前吉林將軍長奏請將吉林通省礦務歸併三姓公司辦理以資擴充是年十二月十八日奉到 硃批著准其歸併辦理欽此其時尚在 農工商部未經奏定礦務章程以前欽遵

諭旨辦理不意二十六年夏間拳匪肇亂俄兵侵境經辦各礦侵掠一空二十七年十二月經 前吉林將軍長奏明重整礦務並飭令宋道春熬來滬重集股本藉圖恢復旋於二十八年三月經宋道春熬稟陳宮保批准續招商股十萬兩先舊有股東湊集以固基礎而保利源二十九年春續招商股已有成數由職商等先撥交宋道銀三萬兩攜吉正圖續舉適值日俄構釁洋兵梭織道途梗阻礦局房屋悉為俄兵佔據徒攜股本殊難續為整理其時洋商願出鉅資購買此礦或來附股合辦職商等堅守華產力拒不允迨三十二年因俄約開議經職商等公舉今廣東巡警道王道秉必前隨同辦理礦務之雲南候補道莊道錄赴吉履勘稟陳宮保暨 農工商部 北洋大臣給咨前往考察實情嗣以和議未定東南股商又未敢輕投資本迭奉 宮保札開准 農工商部 北洋大臣 東三省總督 吉林巡撫咨催王莊兩道趕邀舊股各商迅速會議籌辦等因伏查吉林三姓等處礦務自光緒二十二年春間開辦以來始為馬賊所算幾至中輟繼遭拳匪之變遂為日俄所阻凡股商歷年辛苦經營半燬兵火半付虛糜計前後所集新舊股本庫平銀二十萬兩悉係股商血本亟思再行招集股本以資接續開採無如今昔情勢懸殊尤甚加之該礦沙殘洞老淘翻有限非深入重覓苗綫不足以資開採若廣雇把頭分途尋脉練兵購械設局屯糧亦非添集鉅款不能敷布是以遲迴審慎至今正在會商籌措比聞 吉林巡撫出示勸招粵商前往承辦此礦將使職商等已辦完全之商礦化為官有奪此與彼置從前

諭旨於不顧並使職商等多年堅守公司法以拒外人之苦心盡付東流非特職商等萬難甘心亦何足以勸後來商股方今商律已定憲法將成 朝廷以興辦礦務為自強宗旨諒亦不肯施此強奪商業致使天下眾商寒心外人聞知亦生覬覦用敢聯名籲懇宮保體恤股商創辦之苦心且為杜絕強鄰窺伺之漸准與咨請仍遵前旨歸原股東商辦理商界幸甚大局幸甚等情前來查三姓金礦前經該商等集資開辦漸著成效不意變端迭出成本燬盡因而暫停前年俄約開議復經該商等公舉王道秉必莊道錄赴吉勸察嗣准 前東三省總督部堂徐 署理吉林巡撫部院朱咨飭舊股各商趕集新股並飭王莊兩道迅速來吉接續開辦當即轉行在案查規

復舊業自非添集鉅款不能措置裕如該商等遲迴審慎亦屬實情目前既在續籌股本再圖擴舉似未便另招他商前往接辦所有三姓金礦應請准如所稟仍歸原辦股商另集資本接續開採即使另有他商情願接辦或與老商合股或認還老商應有之權利似亦應由新老商自行籌議再行稟候核奪以期允洽而符商例本大臣因此事發起在先既據老商稟前來核其所稟情由均屬確實除批飭該商等趕速招集新股遵照新章妥議章程稟請商部註冊立案一面公舉商董迅往開辦並分咨外相應據情咨會貴部堂請煩察核見覆施行等因到本署閣大臣准此相應咨明 貴部院請煩查照辦理

署督憲那據學司詳覆查明並無學生願往上海就學實業事咨覆郵傳部查照文

為咨覆事據提學司傳增湘詳稱案奉憲台札開五月二十八日准 郵傳部電開本部上海實業學堂擴充專科奏准由各省選送中學畢業生入堂肄業並各省按名歲籌學費二百兩匯解協助業經分咨在案現該堂暑假後開班各省業有陸續咨送貴省已定考選若干名並何時可送望速電覆以便轉知該堂籌備等因到本署閣大臣准此查此案前准來咨業經轉行該司遵辦在案准咨前因奉行札飭札到該司即便遵照前案迅速核辦具覆以憑核咨等因奉此竊查此案本司前奉飭行業已牌示並通飭各屬在案至今並無報名願往學生蓋由直隸近在畿輔中學畢業生徒或入京師大學預科或入直隸高等學堂及高等農業高等工業學堂不欲遠出就學於上海且本省各高等學堂額多人少亦屬無可派遣理合備文詳請查核等情到本署閣大臣據此除批示外相應咨覆 貴部請煩查照施行須至咨者

天津縣董事會為改建

文廟拆用民房已一律發價移覆天津縣查照文

為移覆事案准縣台移開恭照改建

文廟購用民房所有應拆民房分作五等給價計頭等草房十七間半

每間六十兩二等二十四間每間五十兩三等七間每間四十兩四等四間每間二十五兩五等八間每間十四兩共用房六十間半計應給銀二千七百四十二兩嗣准議事會代陳該處居民困苦情形力求酌量寬恤即經開摺面懇道憲設法體恤當蒙批准按間一律照加六兩等因共應加銀三百六十三兩連前統應給銀三千一百零五兩已經備具印領請由運憲如數發下應將前項銀兩送交費會酌定日期傳知該房主等赴會呈繳房契按等領

價以期簡捷而杜冒混等因准此當即傳知各房主來會領銀計孫富春等九家五等房六十間半共銀三千一百零五兩其有舊將房間典出者令業主給銀回贖除周保安等繳交印契四張白契二十三張外有李文樑魯恩元孫富春孫長榮等四家契紙均已失迷各取具舖保作證又孫瑞蘭房除拆用發價外尚餘正草房三間南草棚一間大門一道孫長樂原買孫金奎房除拆用發價外尚餘東房一間均經將各該原契批明蓋戳發還茲並抄底備查所有改建

文廟拆用民房代行發價業已辦竣緣由除粘抄各房主領銀數目清單並將印契白契抄契契底共二十九張及保結四紙領狀九紙另呈核備案外相應備文移請縣台查照並希見覆施行須至移者

茲將改建 文廟拆用民房各業戶領發價銀兩數目繕單呈查 計開 孫富春領銀七百二十一兩 李

文樑領銀六百三十六兩 崔順通領銀一百六十八兩 魯恩元領銀四百二十二兩 張竹波楊恩領銀二百

三十四兩 孫長樂領銀四百二十九兩 周保安領銀二百五十兩 孫長瑞領銀一百九十九兩 王郭氏領

銀四十六兩

雄縣祿令坤稟大清河水勢陡漲北岸二舖舊口門壩埽坍陷以及南岸板壩險要等處趕緊搶護大概情形

文並批

敬稟者竊查卑縣境內大清河南北兩堤趙王河南堤經卑職於伏汛以前將一切應辦防巡事宜妥為籌辦并稟蒙本道檄委把總宋兆元幫辦防汛以資巡助在案茲查未經入伏連日大雨上游諸水匯歸奔騰下注於六月初一日午時起至酉時止河水陡漲六尺至亥時始見消落初二日水落二尺有餘卑職與該把總宋兆元分段巡查惟二舖橋上舊口門草壩雖經逐段夯礮土性仍屬鬆浮稍有塌陷卑職趕緊選伐北岸柳樁招僱人夫即時加廂正在搶護忽於初三日夜間河水又漲六尺有餘卑職與宋把總督率人夫捲由掛柳趕緊搶護幸天氣放晴人力得手尚無疎虞刻下水勢仍不停止有漲落南岸之橋下板壩八排娘娘宮等處最為險要會同長防委員等督飭差役傳諭各村紳約督夫認真防守共保無虞合先馳稟 中堂查核

署督憲那 批據稟已悉仰清河道即飭該縣會同委員督率人夫加意防守勿稍疎虞此繳

文告錄要

督憲批示錄要○李丞林稟大廣公司佔地一案由 批此案迭據該民人來稟均經行飭天津地方審判廳妥辦
在案何以至今尚未辦結殊屬宕延仍仰該廳迅速秉公辦結具報抄稟批發

保定工巡總局批示○蠡縣潘營村文生陳兆龍具稟一案 批准存案嚴緝該生仍當赴縣呈報以憑會營勸諭
○楊城村村正王洛典等具稟一案 批馬連城等均已供認明晰分罰苦二該村正等毋庸代人飾非砌詞請
保○張登村村正王仁麟等具稟一案 批霍金台等賄縱賭犯情皆可惡業經分定年限解赴習藝所責令工
作爾等毋庸飾詞請保○南蠻營村正邢金斗等具稟一案 批安洛小冒充探勇嚇詐鄉民已據直認不諱所
請保釋斷難准行○林水村村正任國治等具稟一案 批已於南蠻營村正邢金斗等稟內明晰批示矣著即
查照

清苑縣告示○爲出示查禁事照得集會結社新律綦嚴近聞東關大康各莊地方設有在理公所名曰維新堂藉
研究戒煙爲名定於六月二十三日舉行茶會發出請帖聞有五百餘分之多且有散給軍械之說經工巡總局
調查亦復相同雖無謠惑衆情第既未稟明官長輒行大集會社難保無不法匪徒涸跡其間乘機滋事自應照
章解散除飭派安人分往密查外合行出示查禁爲此示仰闔境軍民紳商諸色人等知悉須知辦理戒煙事宜
在於互相勸戒多設方藥何必邀請多人約期集會此等舉動實足駭人聽聞爾等各有身家切毋受其愚瞞自
貽伊戚如有已領前項請帖及曾經代邀者立即取銷不准前往赴會倘敢不遵示禁定即查明拿辦決不姑寬
其各凜遵毋違特示

電報錄要

路透電○土耳其與希臘兩國對於克里德島之交涉甚爲吃緊列強亦甚注意現希政府答覆土國要求之件聲
稱希臘對於克里德島將來之問題惟有歸列強主持云

又電○奧政府因希臘政府之請特令駐土公使干預克里德島交涉以保和平大局並指此次土希兩國交涉頗
爲危險恐戰禍接踵而起矣

又電○英國海關報告西七月進口貨增加三百五十四萬七千五百七十三鎊出口貨增加一百七十八萬一千

五百一十五鎊出口棉貨增加五十二萬三千六百一十七鎊羊毛增加三十七萬四千六百三十三鎊棉紗與織品兩項共增加二十四萬五千二百五十鎊

柏林電○俄德兩皇在德國齊爾軍港相會均甚歡暢德國人民聚集於威廉河兩岸觀看俄皇以表歡迎之意

又電○希臘答覆土國之書並未提及希人由克里德島退出之事祇言此次交涉由列強公斷聞德奧兩國對於土希交涉擬自守和平主義尚未將此事分款提議列強駐紮克里德島堪尼亞代表並領事官均預備干預此事以保和平現在英國兵艦由西班牙南部智布拉陀港開往克里德島

新政紀聞

政治

部設憲政研究所○學部現擬在本署設一憲政研究所約聘博於憲法之留學畢業生充任講習員專以研究憲政為主義凡本屬堂司各員於辦公暇時均可隨意聽講限以半年為期自七月初一日開講至本年十二月初一日停止以資預備憲政之一助云

順天舉辦復選期○順天府凌大京兆現已將復選舉一切事宜預備妥協擬即於七月初一日如期舉辦

學務

組織德華普通中學堂○駐津德國官商在本埠英租界小白樓下組織德華普通中學堂一所其章程按照重訂直隸中學堂章程酌訂甚為周備宗旨亦極純正裨益華人良非淺鮮昨承函送章程一册容當分日登載

會議府校善後辦法○浙江紹興府中學堂王監督日前邀集八縣勸學所總董暨當選人等至校會議辦法所議各條如下

一辭職問題王監督屢有告退之意此次又對衆辭職請另舉接辦當經挽留此說遂即取銷
二建築問題各縣前認建築費尙短欠洋一萬三千數百元禮堂特別教室等均未建造衆人決定由監督上稟請府尊向各縣嚴札催繳一面仍由各紳設法勸籌
三常款問題府校經費大宗在各縣平餘現在積欠甚鉅以致入不敷出辦理為難衆議當責成地方官照數解付不得延欠

軍政

新軍操演更定時間○南洋新軍各部隊所有操演時間原定上午九時至十二時下午一時至三時茲陸軍第九鎮徐固卿統制因天氣炎熱特會商教練處更定術科時間上午自五時至七時下午五時至六時刻已札飭江甯鎮江江陰各標營一體遵照

督練公所新訂權限章程○皖省督練公所自去歲經馮夢帥規復後所有一切辦法章程未經籌定適值馬砲兵變軍書旁午以致未及籌擬就緒嗣經朱經帥遵照部章重新組織派委大員辦理兵備叅謀教練等處迄今數月由督練公所擬定辦事權限章程稟詳撫院核定一俟奉准批示後即行刊印通行所部軍隊查照辦理用資遵守

新軍協統考察軍政○湘省常備新軍楊協統晉日前稟報上台往赴湖北江南等處考察軍政以備法戒約在兩星期後即可回湘所有本協往來公件已令第一標標統黃鸞鳴代拆代行

粵省新軍成鎮之計畫○粵省前經擬定五路開徵因營舍不敷復擬稍緩刻以成鎮期限異常迫促且屢由大部嚴催不能再涉遲緩酌核情形特將應辦各事分別變通一面先行將五路布置妥辦一面將高廉調防地址刻日勸建一面趕將各營舍督催竣工即行同時並舉開徵庶不致因噎廢食現經編定徵兵地域連屬爲第一雷屬爲第二肇羅爲第三潮嘉爲第四附城爲第五路即由公所揀派一二等委員胡肇瓊等率同員弁分路體察情形迅將分局支局布置籌設其高屬現辦徵局擬即移設雷屬以省周折業將一切計畫分行遵照

財政

計學館畢業名單○度支部計學館現已畢業茲將其畢業學員名單照錄於下 溫肇祥林瑞祺韓鼎勳彭端全

廣張國威賀朝元章毓椿魏頌唐李炳堃左景亮梁念慈振瀾寇輔仁國瑛俞恩榮銳祉文郁李燾延志春張慶麟貴德書泰延壽文森明瑞尙久溶文光鍾琦

財政調查局現辦情形○浙藩顏方伯日前具詳撫院略謂前奉 憲政編查館奏頒各省調查局辦事章程飭將光緒三十三年全年出入欸目無論正項外銷均即分門別類造具表冊送部各等因查本司衙門爲財政總匯之區業經遵照定章設立統計處遴員辦理詳明在案祇以表式久未奉頒而憲政館原奏且未指定年分當查

外省全年出入內銷之款向至次年奏銷大致方能清楚外銷之款完解尤遲部奏既令全年列表自當依據奏銷庶幾收放完具年款截清爲預算決算之基礎半年以來逐款鈎稽本已漸有就緒茲准調查局移到憲政館審定表式並總例解說內載統計以三十三年爲斷自正月至十二月爲起訖既奉頒發表式明示限期則從前造辦之表體裁均未合式年度又屬不符自當遵照新章逐一釐正本司總攬度支款目至爲繁瑣冊案本嫌複雜名稱尤慮參差兼以承平而後數十年來陳陳相因從不一爲清釐雖庫款絲毫核實而賬目每多套搭欲求截清年度排比整頓非旦夕所能竣事惟有督飭統計處在事各員分別稽核認真趕辦總期界限清楚規制畫一以備編纂年鑑之用

實業

直隸出品協會開會紀盛○六月二十日爲直隸出品協會第一次開會之期協會附設於天津勸工陳列所故以陳列所之優待室爲會場時南洋勸業會坐辦陳觀察蘭薰與奉直調查員錢觀察幼琴先後至津蒞會演說所有官界紳界學界以及工商各界戾止者近二百人午後二鐘開會首由議紳宋則久君宣佈開會宗旨及歡迎意見次陳觀察演說謂鄙人親歷東西洋確知列強之富以實業實業之盛以競爭中國視此幾成負比例 午帥憂之爰於南洋創辦勸業會以資比賽以策競爭北洋工藝程度視他省爲優大衆尤宜協力贊襄成茲盛舉次錢觀察演說又次來賓演說先後計五人曰工商研究會長李君子鶴曰商會總理王君竹林曰議事會副議長胡君鹿泉曰大公報館主筆郭君寶書曰麟記煙捲公司經理紀君管涔最後爲協會協理孫蔭庭觀察演說始言此番賽會上憲既實力提倡大衆即宜親往比賽不可寄其權於販豎尤不可諉其責於公家繼復於農工商相維相繫之故推闡靡遺蓋觀察素注重實業積有經驗故言之親切有味如此演說畢協會總事務員曹君琴孫宣誦答辭繼而陳觀察復伸緒論至六鐘振鈴閉會復攝影以留紀念

工藝傳習所請改官商合辦○浙江省工藝傳習所停辦有年廠屋已由臬司李廉訪作爲游民習藝所刻有紳士陳琪具稟勸業道擬將停辦之工藝傳習所改爲官商合辦董觀察當即照詳奉中丞批謂該紳稟請官商合辦尙屬可行惟前據臬司與王道曾俊會稟請將該所作爲遊民習藝所業已批准行知立案今如該道所請則游民習藝所應否暫行緩辦或應如何辦理之處候札飭臬司與該道會同王道曾俊悉心妥議詳覆察核仰即知照

第四條 凡租賃人應納地租按會場地段分爲五等以方丈計算地租概收大洋如有奇零數目則用四捨五入法計算

一等地(每日每方丈大洋二角)

二等地(每日每方丈大洋一角六分)

三等地(每日每方丈大洋一角二分)

四等地(每日每方丈大洋八分)

五等地(每日每方丈大洋四分)

第五條 凡租金自本會開會之日起算至閉會之日止須於在場開工之前一律預繳

第六條 凡出品人於場內開設商店者如出賣之品與本會會場陳列之品相同其地租減收半價以示優待惟地址面積須由本事務所指給

第七條 凡租賃人在所租地段建築房屋須本人所委托之代理人常在場內管理工作惟代理人之姓名須報明本事務所

第八條 凡建築房屋如與原呈圖樣有所變更及一切裝飾等須受本事務所之許可

第九條 凡建築房屋限於本會開會期十五日以前竣工閉會後二十日以內拆去惟竣工及拆去之時須受本事務所檢查如二十日以外不遵章拆去者本事務所所有代爲拆卸之權

第十條 凡租賃人在會場內所建房屋於閉會後不願拆去者須於訂立租賃契約時申明另訂專約辦理其所須地段面積由本事務所指給

第十一條 凡租地人如轉租與他人或用本人名義與他人公同營業須報由本事務所許可

第十二條 凡租賃人所設商店須將貨物價目逐件籤明其不便籤明之物另立價目表懸挂衆人易見之處

第十三條 除租賃人及租賃人所僱用之看守人外不得在場內歇宿

第十四條 凡租賃人於所租地段周圍須洒掃清潔違者酌罰

第十五條 凡租賃人賣出之物須將種類價目量數每星期報告事務所一次

第十六條 凡開會期內如租地人自願歇業須受本事務所之許可

第十七條 凡租地人違背本會規則時本事務所得勒令歇業其預繳之租金概不退還

第十八條 凡經本事務所勒令歇業者其所建房屋在開會期內由本事務所另行招人租住本人不得抗拒亦

不得向租住人別徵租金本會閉會後由本事務所將房屋交還本人照章拆卸

第十九條 凡已開具租地願書於宣統元年八月三十日以前不來本事務所訂立契約或訂定契約後三個月

內尚不開工建築或至開會十日以內不來陳設者即將原議契約作廢其已建之屋援照本規則第十八條辦理

第二十條 凡本規則如有增損變更之處臨時由本事務所公布遵照辦理

天津德華普通中學堂章程

第一章 總義

本堂係光緒三十三年二月成立爲傳習德國語言並西國學問以便德華交易興盛暨兩國情誼日益敦睦彼此通曉情勢互相親密起見本堂自成立以來到堂之學生甚衆足徵華人一面亦有兩國情誼融洽之盼望本堂設在海大道英國租界內有 前任直督楊大帥親筆所書匾額實爲榮幸

第二章 管理員

第一條 本堂所有一切事宜由駐津埠之德國官商內選舉董事教員管理全堂事宜

第二條 由該董事中設領袖一員爲總辦設書記一員管理全堂往來文牘兼爲本堂監督設會計一員管理全

堂出入款項其餘董事無專管之事亦無一定員數

第三條 該董事於每學期有一次會議如遇學堂有緊要事件由總辦隨時知會各董事會議

第四條 本學堂每日應行管理各事宜由總辦主持辦理

第五條 各董事並所舉總辦監督會計即管理事宜之各董事均屬名譽執事概不受薪金

倍腎補腰

腎經受病為韋廉士大醫生紅色補丸所治愈

腰腎為人身之濾水器其功用即分濾血中所有之毒質經過腰腎變為便溺即由膀胱而出是故保養腰腎亦為最要之端倘或軟弱受病則必失其功用而使應出之毒質存留血中以致痛苦難堪竟有性命之憂者矣大抵腰腎所現尋常之病狀即背骨疼痛小便渾濁四支浮腫眼現黑暈以及周身各部風溼痠痛全體軟弱不甯等症是也韋廉士大醫生紅色補丸業經治愈各種腰腎所患之疾不勝枚舉因其滋補之功施於腰腎無異施於他部亦能與以新力而至康健之地也茲姑於諸多因腰腎患病之證書中謹擇其一而照錄之即候補知縣王君毓萃山西人也現寓山東濟南府之西轅門其言曰○三四年前余患背骨疼痛步履艱難小便頻促澁結而痛面黃肌瘦



山東候補知縣王毓萃君腎經受病為韋廉士大醫生紅色補丸所治愈

身弱胃閉偶一俯身骨節疼痛更兼手指強硬莫能舉筋
飲食殊多不便雖曾嘗試多藥用油搽擦手指施盡方法
均無裨益所延醫士皆莫能治幾使余喪心失望矣一日
偶閱新聞紙見所載韋廉士大醫生紅色補丸之功效曾
醫治無數若余所患之病莫不藥到春回爰購而服之一
瓶之後便覺大有轉機故接連再服直至諸痛全消而後
已今則步履康健胃口進增面色復原骨生肌肉不啻再
造之人矣余深感韋廉士大醫生紅色補丸之功無以為
丸所治愈

報願將證書登諸報牘聊表感情云爾韋廉士大醫生紅色補丸為大英才智超羣之大醫士所研究而得者其聲譽久已遠馳大陸為療治由血不潔軟弱或腦筋失調所致各症之聖藥也即如 血虧惡症 諸虛百損 少年虧喪 陽萎不舉 胃不消化 肝經各病 頭痛頭暈 風溼骨痛 腎骹痠痛 腳氣衝心 猪羊癩癩 山林瘴氣 發熱病後 紅白痢疾 感冒風寒 等症莫不即愈婦女經水不調背骨疼痛以及各種他症一服韋廉士大醫生紅色補丸其奏效之神奇更非他藥所可比擬男子或吸食鴉片或酒色傷身服之立能康健復原是丸並無嗎啡鴉片以及他種上癮有害之雜質無論男女老幼皆可服食豈非各症之聖藥哉中國各處商店藥局凡經售西處均有代售或直向上海九江路B字第八號

韋廉士醫生藥局中國總發行處購買亦可 價銀每六瓶大洋八元每一瓶大洋一元五角 遠近郵費一律不取

商務印書館出版各書上海總發行所

中外政法要書

議員必讀

嚴又陵先生譯著

欽定大清會典 十册 一元二角

憲政大綱 三册 三角

英文漢語 一元二角

欽定大清會典及事例 一百六十册 一元二角

諸議局章程 三册 三角

分發已權界論 一元二角

大清光緒新法令 三十册 一元二角

各省諮議局章程彙釋 四册 四角

訂正學學律言 一元二角

大清列國政要 三十册 一元二角

諸議局章程表解 三册 三角

孟德斯鳩法意七册 一元二角

漢譯日本法大全 八十册 一元二角

城鎮地方自治章程 三册 三角

天演論 一元二角

漢譯日本法規大全 八十册 一元二角

地方自治章程彙釋 三册 三角

政治學 一元二角

警察講義 十四册 一元二角

日本議會法規 三册 三角

教育雜誌 每月一册 每册一角

各種彩色地圖 四册 一元二角

日本國議院典例 十六册 一元五角

東方雜誌 每月一册 每册一角

大清帝國全圖 一册 一元二角

日本憲法學而憲政論 四册 四角

日本富井政章 民法原論 一元二角

大清帝國射圖 二册 一元二角

日本憲法學而憲政論 四册 四角

日本清水澄 行政法各論 一元二角

大清帝國總圖 一册 一元二角

日本憲法學而憲政論 四册 四角

右為法律類之書 一元二角

大清帝國射圖 二册 一元二角

日本憲法學而憲政論 四册 四角

日本士子金四郎 國債論 一元二角

大清帝國射圖 二册 一元二角

日本憲法學而憲政論 四册 四角

日本橫山雅男 統計通論 一元二角

大清帝國射圖 二册 一元二角

日本憲法學而憲政論 四册 四角

右為財政類之書 一元二角

大清帝國射圖 二册 一元二角

日本憲法學而憲政論 四册 四角

日本黑田田 明治學制沿革史 一元二角

日本小泉又一 歐美教育實錄 一元二角

天津分館開設 河北大胡同 電話五百二十六號

勸賑隴災啟

敬啟者昨閱甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾即成凶祲現被災之區草樹皮掘取殆盡鄉間人口牲畜已多餓斃又接甘省紳士紛紛來函據稱該省至有倍相食之慘窮民紛紛亂逃糧價日增麥已漲至每石三十六兩稻草則數十州縣之廣人則百數十萬之多雖督臣奏上朝廷曾撥帑金六萬散諸災區勢難備給非再有巨款接濟何能救此哀鴻夫天災流行國家代有救災恤患義不容辭况甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處
北京馬市大街恆裕金店
天津獅子林北洋官報總局

名醫到津廣告

啟者四川曾建侯大令精岐黃歷在鄂豫京奉各局所當差所至俱以醫名屢起沉疴茲來津寓買家大橋福祿棧有患病者幸勿失此機會特佈
錢謙舉啟

甘肅來電廣告

各報館鑒甘荒惟首府各屬為最重有四年夫收者需賑銀四十餘萬兩已有半數現得透雨又無子種尙望提倡以救災黎
甘肅士紳同叩

速救黎災

敬告者現值甘肅省亢旱異常赤地千里小民直有易子為食之慘狀不忍聽聞亟應勸辦義賑以資協濟如蒙諸大神商善長慨捐賑款請送至北馬路商務總會掣取收據以便彙解災區散放拯救黎黎不勝盼切之至此佈
天津救急善會謹啟

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋窩等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等倘有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

傳 產

大小皮包法國洋號又新到轉盤換調話匣八音盒價值格外從廉仕宦商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑲珠寶鑽石戒指耳墜鑲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啟

瑞 林 祥 元 記 綢 緞 洋 貨 莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇厚呢京廣什貨俱全貨高價廉劃一不二後廳內專售線貨織絨袍料衣包被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡化屏風鏡額 磁銅料器球藍 奇巧美術玩器 學界文房用品 旋行携帶等件 精工鑲身物料 定織各色麗氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啟

請看賣字助賑廣告

鄙人近因甘肅連年荒旱哀鴻遍野其慘狀令人不忍聽聞津門官紳商學醫藝各界均紛紛提倡助賑共成善舉鄙人毫無片長願以筆墨聊盡義務庶集腋之資或可補救於萬一自六月二十日起至九月二十日止以後無論潤資多寡概不收售今仍仿上年江北水災書畫慈善會辦法賣字助賑之款按月登報全數匯交災區如蒙賜件請交鍋店街宜蘭堂南紙局日界紅杏飯莊及英國菜市鄧公館代為交收潤資先付七日取件今將潤格各款列後

四尺楹聯 隸書篆書真書每付一 元六角 行書草書六朝每付五 元八角

四尺挑山 隸書篆書真書每條一 元一角 行書草書六朝每條八 元六角

四尺屏幅 隸書篆書真書每四扇二 元六角 六朝行書草書每四扇一元六角

鐘鼎各體 團扇每件五角 行書每件二角

名片真書六朝分書每名三角大匾一尺字起碼每字五角如字多字大照加

故城陳筱華謹啓

津紳籌募甘賑公啟

敬啟者甘省僻處西陲連年苦旱蘭涼各屬被災尤甚今春兼以雨澤愆期荒旱日亟小民賣兒鬻女覓食維艱以至草樹剝皮剝掘殆盡人畜餓斃慘不忍聞甘省督藩乞賑各省函電紛馳雖經奏請 朝廷發帑賑恤然災區較廣徧給維難凡屬同胞詎宜膜視敬乞樂善大君子酌解囊餘不拘多寡吾人盡一分義務甘民活一分性命倘蒙允許請將該款送交北門內大官門西引善社賬房代收據俟集有成數再由同人登報公布並公同提交甘省籌賑處匯寄災區以資散放甘民幸甚

- 發起人 劉恩渠 戴元樹 吳國蕃
 贊成人 胡家祐 蕭祖懋 郭漢章
 蘇景昌 徐嘉璩

本局廣告

本局承辦印刷研究
 精良近益不惜重資
 延聘外洋著名工師
 添購新式機器精製
 雕刻銅版所有承印
 各種紙幣股票等件
 圖畫精巧色澤鮮明
 紙質堅緻屢蒙中外
 官商照顧頗加獎
 譽茲為推廣招徠起
 見自本年起承印各
 項價目格外減讓以
 副官商雅意如蒙
 賜顧請至本局賬
 房面議可也

賣字助賑君諸請看

敬啟者鄙人因甘省荒旱異常凄慘萬狀竊踵紳商醫界後願效綿力仿照上年江北水災賣字助賑辦法計以三月為限所得潤資全數充賑旬日以來頗蒙社會所歡迎茲因發起伊始各處相繼賜件沓來紛至應付不遑鄙人作嫁依人日無瞬息於應盡責任內又不敢稍有放棄致負天職惟念甘省災區甚廣此次潤格又極從廉若不稍事變通移緩就急恐一經限滿則收件雖多而集資無幾似不足以濟要需而副厚望茲承諸同志忠告囑將潤格重行改訂略為酌增以期有濟即由六月十一日實行先擬試辦一月查看情形為何再為續辦以符原訂三個月期限所得潤資儘行助賑如蒙賜件請仍送交北馬路華勝燭皂公司或舊北門內永泰合洋貨鋪及舊東門內冰窖胡同瑞恆錢局代為交收庶不致悞潤資先付七日取件茲將酌減潤格列下以供眾覽幸垂諒焉

八言

八言楹聯一元八角

四尺挑山一元二角

四尺屏幅四扇一元二角

連號兩角

不在單者另議

章武順連城謹啟

京奉鐵路局廣告

啟者現在關外新民府附近一帶潦水漲發火車不能通行所有往瀋陽各處客商請暫由營口轉車前往俟水退車通再行佈告

京奉鐵路局廣告

啟者本鐵路天津至北京又塘沽至晉各莊各段內應行別換舊道木約有一萬八千餘根其餘各段約有三四萬根現擬投標出售如願購買每根出價值若干開列封在信封內寄交本局華收支處彙齊定期開標特此佈聞

京奉鐵路局謹啟